

D. D.

29.

APHORISMI MISCELLANEI,

QUOS

Suffragante Ampliss. Ordine Philosoph.

SUB UMBONE

D_{N.} PETRI KALM,

S. S. Theol. DOCTORIS, Oeconom. PROFES. Reg. & Ord.
Nec non Acad. Scient. Holm. Membri,

Pro GRADU

Publico bonorum examini submittit

GABRIEL REIN,

V. D. Minister


OSTROBOTNIENSIS.

IN AUDITORIO MAJORI DIE III. JULII
ANNI MDCCCLXIX.

H. A. M. S.

ABOÆ,

Impress. JOH. CHRISTOPH. FRENCKELL.



APHOR. I.



uemadmodum materialismus,
cui non minus hodiernis
temporibus, quam antiquo-
ribus perplurimi mortalium
adhærent, non tantum e
diametro veræ & æternæ hominum Saluti
repugnat, verum etiam fundamenta Reipu-
blicæ penitus evertit; ita & industriam illo-
rum haud improbamus, qui nostra ætate ar-
gu-

gumentis gravissimi ponderis, ex principiis rationis non modo immaterialitatem sed etiam ipsam immortalitatem Animæ humanæ demonstraverunt. Quia evicta animarum immaterialitate, firmissimo tamdiu stare talo putaverimus immortalitatem, quamdiu rationibus apodicticis non adstruere valent adversarii DÆum animas humanas destruere velle; Quod tanto minus fieri posse nobis certo certius persuademus, quanto clarius gloria Divina, in æternum illustranda, contrarium nobis inculcat.

APH. II.

Qui libertatem hominis naturalem, seu illam, quam in statu naturali extra societatem civilem mortales haberent, per civitates initas nimium quantum limitatam esse contendunt, vereor, ne notionem libertatis veræ cum notione licentiæ confundant. Nam ut cuicunque hominis statui nihil convenientius esse, quam veram securitatem & felicitatem, quilibet ultro concedat, ita nec

fini civitatis quicquam magis congruit, quippe qui una cum salute publica singulorum civium veram non minus felicitatem quam Securitatem intendit. Hinc, re justa mentis lance penitata, sudo clarius patescere arbitramur, libertatem naturalem veram juri bus sibi a natura concessis utendi per imperia civilia potius defensum quam destru ctum iri. Nam jura a natura concessa in statu naturali continuis non minus quam periculosissimis pravorum patere insidiis, nemo negaverit, modo pravitatem hominum vel tantillum agnoscat; Imperia vero civilia huic pravitati, ne vesane & pro luctu saeviat, justos ponunt limites, & unicuique tutiorem jurium suorum usum vindicant.

APH. III.

Sunt quidem multi, qui in Patria nostra agriculturam ita solam colendam urgent, ut fabricas & reliquias artes manuarias tamdiu si non penitus negligendas, certe mino-

ri animi fervore, quam his temporibus quidam adstruunt, colendas, adserere non dubitent, quamdiu agricultura in fastigium suum nondum sit evecta. Videntur autem hi magis ingenio suo quam veritati indulgere. Nam licet & in altera parte facillime peccari posse lubentissime concedamus, nihil tamen evidentius existimamus, quam quod agricultura, si non totum, certe maximam floris sui partem fabricis aliisque artibus utilibus debeat.

APH. IV.

Leges Oeconomicas ejus indolis ferre, ut nunquam emendatione indigeant, vel ut mutationem subeant, non sit necessum, tanto minus possibile est, quanto certius constat, sagacitatem humanam ceu limitatam mutationibus rerum futuris carundemque in Oeconomiam operationibus prævidendis nunquam sufficere. Nam casus speciales futuros, qui haud raro liberis hominum actio-

nibus suam debent originem, prævidere, illisque rite moderandis, ut Oeconomiæ detrimento esse nequeant, leges adaptare & adornare, solius Divinæ est sapientiæ.

APH. V.

Rex, qui agriculturam negligit, aut frigide saltem tractat, frumentaque ab exterris quotannis emit, multipliei modo peccat. Nam pecuniam, nervum rerum gerendarum, evehit, incremento civium obfistit, & tempore belli patriam summis periculis exponit. Tanto majorem autem imprudentiam, ne dicam dementiam, prodit, tantoque in majus discrimen adducitur, si maximam frumenti illius copiam a vicino, contra quem interdum hostilia arma ipsi ferenda sunt, comparet; hostem enim eo & opulentiores & fortiores reddit, numerum subditorum hostis auget, suorum vero minuit, & ingruente bello tales sæpe conditiones pacis, quales hosti placent, recipere cogitur. Verbo: Talis rex vicini sui Clientens

ens fiduciarius fere potius, quam soli sui
Dominus dicendus est.

APH. VI.

Patriam nostram longe pluribus millio-
nibus hominum, quam quas nunc possidet,
alimenta præbere posse, tuto afferimus; eo
usque autem excoli posse, ut tot incolas,
quot aut ejusdem area Chinæ, aut Regio e-
jusdem magnitudinis in australibus Europæ
partibus, aut sub mitiori cœlo collocata, &
debita diligentia culta, alat, ob plures ra-
tiones impossibile plane videtur.

APH. VII.

Clima Fennicum, paludibus, quibus
patria abundat, industria incolarum exsicca-
tis, longe mitius & magis frugiferum reddi,
quivis videt.

APH. VIII.

Plus amore propriæ & præconceptæ
opinionis quam veritatis, ducuntur, qui in
nu-

nutrimento plantarum seu principiis vegeta-
tionis exponendis, aut terræ, aut aquæ, aut
aliis ingredientibus, primas aut fere totum
tribuunt. Tutius est omnia ea, quæ analy-
sis Chemica plantas continere prodit, amice
in nutrimentum eorum conspirare, dicere.
In praxi autem agriculturæ tutissimam viam
instat, qui tale lætamen agro conciliat, de-
bitoque modo distribuit, quod multo o-
leo & sale abundat.

